

S ' I S P E R A N Z I A

=====

NO MUSTRAT DOLU, NE' PENTIMENTU
 PROMÉTEO LIGADU CUM CADENA;
 CUM NOBILESA E CUM ARDIMENTU
 AFFRONTAT SA DURA SUA PENA,
 ESPOST'A SOLE, A FRITTU, A BENTU
 IN SU CÁUCASO, IN TERR' ANZENA:
 SA SUA FORTILESA E COSTANZIA
 NOS DEZIT FOGU E ISPERANZIA.

SU ZIGANTE SI PONET CONTR'A ZEUS,
 BRAMOSU DE AZZUARE SOS MORTALES:
 ABBANDONADOS DAE ONZI DEUS,
 FINI SUGGETTOS A TOTTUS SOS MALES.
 PRO CHI SU VIVER NO ESSERET PEUS,
 TRASGREDIT ISSU SAS LEGGES REGALES.
 PRO L'HAER VIOLADU SA DIMORA,
 GIOVE MANDAT IN TERR'A PANDORA.

SU VASU ISSA ABERIT, CURIOSA,
 E ISPARGHET SOS MALES IN SA TERRA:
 DE ISPERANZIA, ARCA PREZIOSA,
 NDE ADDURAT AINTRO UNA PERRA.
 S'ISPERANZIA LUGHET SEMPER ROSA,
 FINAS CANDO S'UMORE EST TERRA TERRA :
 ISSA SI MANTENET GIARA E BELLA,
 CA DE S'OMÍNE EST BRAMADA ISTEELLA.

SI AMMIRO SU MONTE GENNARGENTU
E SOS PAÍSOS CHI SUN IN SA ZONA,
PARET CHI CALET DAE FIRMAMENTU,
DAE SOS ASTROS CHI FAGHEN CORONA,
UNA BOGHE, UNU FRUSCHIU DE BENTU,
UNU MESSAGGIU DE PERSONA 'ONA:
"S'ISPERANZIA CRESCHET IN GRANITU,
SI CREIDES A SU ANTIGU MITU.

BENIT SA 'OSTRA RESURRECTIONE,
O POPULOS TOTTUS DE SARDIGNA,
SI TOTT 'UNIDOS, CUM CORO DE LEONE,
FAGHIDES UN'ISOLA PIUS DIGNA,
SULLEVADA DAE AFFLICTIONE,
DE SOS FIZZOS SUOS MAMMA BENIGNA.
IN SA ROCCA S'ISPERANZIA FIORIDI,
CA ISSA EST BIRDE E MAI MORIDI ".

SEMPER VIRENS.

ANDREA MURONI

BORORE